



UNIVERSITÄTS-  
BIBLIOTHEK  
PADERBORN

## **Arbor Vitæ Sive Vita Et Doctrina Christi**

Ex Quatuor Evangeliiis In Meditationes Quotidianas Velvti Totidem Ramos  
Distributa

**Illsung, Jakob**

**Dilingæ, 1693**

Meditatio CCLXXXI. Continuatio ejusdem Narrationis.

---

[urn:nbn:de:hbz:466:1-60727](https://nbn-resolving.org/urn:nbn:de:hbz:466:1-60727)

Prudentiæ, Doctrinæ, Ætatis &c. aspernantur, & ab eorum Disciplina se subtrahunt.

PUNCT. III. *Et dicebat illis JESVS: non est Propheta sine honore, nisi in patria sua, & in domo sua, & in cognatione sua. Et non poterat ibi Virtutem ullam facere, nisi paucos infirmos impositis manibus curavit.* Marc. 6. v. 4. Quod Prophetis, id etiam Religiosis sæpe in domo sua contingit. Imitare ergo Christum, & firmo voluntatis proposito dic ex Pl. 83. v. 11. *Elegi abiectus esse in Domo DEI mei, magis quam habitare in tabernaculis peccatorum.* Nota etiam modum loquendi Evangelistæ: *Et non poterat.* Omnipotentiam enim, Bonitatem & Liberalitatem DEI infinitam nobis ipsis restringimus per exiguam nostram dispositionem, indignitatem, ingratitude, superbiam, & vel maximè, quia cum oblata Gratia Divina non cooperamur. Remove ergo hujusmodi obices, & impedimenta Cælestium Favorum, Auxiliorum, & Gratiarum.

## MEDITATIO CCLXXXI.

### *Continuatio ejusdem Narrationis.*

Luc. 4. v. 25.

PUNCTUM I. Confirmans Christus, quòd *Nemo Propheta acceptus sit in patria sua*, duo affert exempla, dicens: *In veritate dico vobis, multe viduæ erant in diebus Elia in Israël, quando clausum est Cælum annis tribus & mensibus sex; cum facta esset fames magna in omni terra: & ad nullam illarum missus est Elias, nisi in Sarepta Sidoniæ ad mulierem viduam (Gentilem) & multi leprosi erant in Israël sub Eliseo Propheta: & nemo eorum mundatus est,*



est, nisi Naaman Syrus (Gentilis) Itaque tam mulieres, quam viri ex Israëlitis, quia tantâ Fiduciâ Prophetas suos non honorabant, quantâ illos honoraverat mulier, & vir gentilis, ideo etiam ab eis tantum beneficium non receperunt. Considera nunquam an non ob similem causam DEVS ipse, & Sancti Religiosarum Familiarum Patroni sæpe hominibus sæcularibus & externis majora Beneficia præstent, quam Religiosis degentibus in Domo DEI, & Sanctos suos Spirituali Cognatione contingenti. Ppende etiam, unde proveniat, quòd multiplice, imò Sacerdotes etiam quotidie, ad Sacram Christi Mensam accumbant, nec tamen Panis cor hominum illorum confirmet, nec Vinum lætificet? Certe multi quoque peccatorum leprâ infecti, à totis sœcis, quot Confessarijs, non stabiliter mundentur, emendentur? Nempe inde hoc provenit, quia non cum debita Reverentia, nec cum Zelo debito Honoris Divini ad Christum accedunt, nec cum debita observantia, ac subjectione Salutis merita accipiunt. Cave ergo, ne DEVS, ne præpositi Sancti, ne Duces Spirituales, aut Superiores à tua domo sua minus Honoris, Cultûs, Observantiæ, Reverentiæ, Obedientiæ accipiant, quam ab alijs minus obstrictis; & tu ideo etiam minus Beneficiorum recipias.

PUNCT. II. *Et repleti sunt omnes in Synagoga hac audientes.* Luc. 4 v. 28. Ecce, qui paulò antè (ut v. 22. dicebatur) testimonium Christo dabat, & mirabantur in verbis Gratia, quæ procedebat de ore ipsius; mox repleti sunt irâ. Nihili ergo scienda est laus humana, quæ tam facilè amittitur.



& pro mutatione affectuum variatur : nec propterea parcendum Veritati, quando ad justam reprehensionem vitiorum necessarium est loqui. Neque imitandi sunt Nazareni isti, reprehensionis & correctionis impatientes ; sed omnes defectuum admonitiones, præsertim à Superioribus profectæ, cum gratiarum actione, & emendationis proposito suscipiendæ sunt.

PUNCT. III. *Et surrexerunt, & ejecerunt illum extra civitatem, & duxerunt illum usque ad supercilium montis, super quem civitas illorum erat edificata, ut præcipitarent eum. Ipse autem transiens per medium illorum ibat.* Luc. 4. v. 29. Considera præclarum Exemplum, & insignem effectum Mansuetudinis : non tantum non irascitur Christus sibi irascentibus, neque contendit, neque commovetur ; sed cedit, finitque se duci usque ad supercilium montis : atque ita illius Mansuetudine placati, vel oculis capti, ne eum viderent, innoxium permittunt per medium illorum ire. Sic cedendo adversantibus ; vel contradicentibus innoxius transibis : præsertim medio tutissimus ibis, si ad neutram partem hominum deflectas, nulli adhæreas, neminem fugias.

## MEDITATIO CCLXXXII.

*De Predicatione Christi, & Missione Apostolorum, per Civitates & Castella Galilee.*

Marc. 6. v. 6. Luc. 8. v. 1. & cap. 9. v. 1.

PUNCTUM I. *Et circuibat castella in circuitu docens.*  
 Marc. 6. v. 6. *Et factum est deinceps, & ipse iter faciebat*